

so dieselbigen erkendt/ auß solchen auch die anderen leichtlich lernen erkennen.

Es werden auch in diesem Andern theil viel Mißbräuch angezogen / welche jeder verstendiger leichtlich wird erkennen / vnd so er im Ersten Theil diß ortß etwas mangels befindet / dasselbige ohne arbeit könsen darzu thun. Nun folget jehunder/ daß ich näher zu dem Handel greiffe/ vnd was zu der Wundartzney gehörig / etwas eigentlicher erkläre. Darumb ich dann mir fürgenommen / in diesem Andern Theil von allerley Wunden/ vom Haupt an biß auff die vier eussersten Glieder / vnd sonst von allerley Gebrechen/ so zur Wundartzney auch gehörig/ zu schreiben: wie nemlich dieselbigen ohne Mißbrauch zu Curieren vnd zu heilen seyen. Da ich dann auch allerley subtile vnd künstliche Handgriff/ deren sich die Wundartzte mit grossen vorthail gebrauchen / kan vnd sol / so viel mir derselbigen zu dieser zeit bewust seind vnd bekandt / mit allen trewen / ohne einigen vorbehalt mit einführen sol.

Es sol mir aber der günstige Leser dieses vertrauen / das beyneben meiner Treu vnd bestem fleisse / ich ganz vnd gar nichts verzeichnen oder anziehen wolle / welches ich nicht wisse war vndd gewiß zu sein: ja welches ich nit meistlich selber/ wo nicht erfahren /

fahren /